



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 36. Casimiri IV. Poloniae regis extrema. Joannes Albertus ejus filius
successor.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

cervinumque caput duobus insigne corniculis, ac dorsum candidis in orbem maculis inter rufum colorem dispersis, mire varicatum habebat; illud toti Italiae diu mirabili spectaculo fuit, utpote quale ipsis abhinc Romanis temporibus Italia non viderat; cum in extremis Aethiopiae regionibus ad Nili fontes difficillime capiatur, ut refert Aldrovandus in libro I. cap. 35. suae Historiae.

§. XXXVI.

*Casimiri IV. Poloniae Regis extrema.
Joannes Albertus ejus Filius
Successor.*

Hoc eodem anno die septima Junii Casimirus IV. Poloniae Rex antea Lithuaniae Dux, Jagellonis, qui Ladislaus IV. dicebatur, Filius extremum obiit diem, anno aetatis sexagesimo quarto, regni sui quadragesimo octavo. Uxorem habuit Elisabetham Austriacam ab Hungaria dictam, Alberti Austriaci, & Elisabethae de Lucemburgo Hungariae Reginae Filiam, ex qua numerosam suscepit prolem; has inter natu maximus erat Wladislaus Hungariae & Bohemiae Rex: hunc sequebatur Joannes Albertus, qui Patri suo in regno successit; Fridericus Cardinalis, primo Cracoviensis Episcopus, demum Gnesnensis Archi-Præsul:

Sæcul. XV.
A. C. 1492.

Michov. l. 4.

c. 64.

Cromer. l. 28.

29. & 30.

Sæcul. XV. præter hos ei erant plures alii filii, **A.C. 1492** filias autem habuit Hedwigem Georgio Bavarizæ Duci, Sophiam Fridericō Brandenburgensi Marchioni, & Barbaram Georgio Saxonizæ Duci nuptas, ac denique etiam Joannam & Margaritam. Fertur, Casimirum toto vitæ tempore abstemium fuisse, & nequidem cerevisiæ, aliorumque ejusmodi potuum odorem ferre potuisse. Sepultus est Cracovizæ solemnī pompa, cui de consensu Wladislai Hungariæ & Bohemiæ Regis filii natu maximi in regno Poloniæ suffectus est Joannes Albertus filius secundo genitus.

§. XXXVII.

Mors Maphæi Gerardi Cardinalis.

*Aubery hist.
Cardin.
Raynal hoc
anno n. 32.*

Eodem anno sacrum Cardinalium Collegium planxit Maphæum Gerardum, Venetorum Patriarcham ex illustri ejusdem urbis familia ortum. Hic in ipso adolescentiæ flore spretis sæculi vanitatibus Camaldulense institutum professus est sub Paulo Venerio, qui Murani in Divi Michaelis cænobio Abbas erat, eo defuncto Gerardus communi Suffragio Ordinis gubernacula suscepit. Anno salutis millesimo quadringentesimo sexagesimo sexto Venetiarum Patriarcha renunciatus, tandem anno Christi octogesi-